



Norsk vasskraft- og Industristadmuseum
Naustbakken 7
5770 TYSSDAL

Dato: 09.02.2015
Vår ref.: 2014/13090-341
Saksbehandlar: irekron
Dykkar ref.:

Fylkesløyving 2015

Fylkestinget godkjenner årsbudsjettet for 2015 i møte 9. desember 2014, sak 75.

Hordaland fylkeskommune har tildelt Norsk Vasskraft- og Industristadmuseum eit fylkestilskot for 2015 på

kr 1.285.000,-

Fylkestilskotet vil bli utbetalt kvartalsvis til Dykkar konto nr. 3658.07.61113.

FØRESETNADER FOR TILSKOTET:

- Det er ein føresetnad for tildelinga at krav til god økonomiforvaltning, kontroll og rapportering vert oppfylde.
- Fylkeskommunen og fylket sin revisor skal ha høve til å setja i verk kontroll med at midlane vert forvalta som føreset. Fylkeskommunen og fylket sin revisor skal ha rett til dei dokument og opplysningar ein finn påkrevd for sin kontroll.
- Gjennom aktivitetar, informasjonsmateriale m.m skal det synleggjerast at Hordaland fylkeskommune er tilskottgjevar. For bruk av fylkesvåpenet gå inn på nettsida <http://www.hordaland.no/logo>
- Det er ein føresetnad at tilskottsmottakar aksepterar og nyttar ordninga med følgjekort for funksjonshemma. Funksjonshemma som kjøper billett skal ha rett til gratis billett til sitt følgje.
- Vi gjer merksam på at dersom verksemda mottok meir enn 50 % av inntektene frå det offentlege, vert verksemda omfatta av "lov om offentlege anskaffelser".

BUDSJETTSØKNAD FOR 2016

Fylkestinget vedtok i møte 10.12.2014 sak 84/2014 ny regional kulturplan for Hordaland 2015 – 2025.

I vedtaket heiter det m.a.:

4. *Fylkestinget innfører ordning med 3-årig fylkeskommunal driftstøtte, med oppstart frå og med 2016. Ordninga er ei prøveordning som skal evaluerast i 2018.*

Kultur- og idrettsavdelinga arbeider no med revisjon av søknadsskjema, søkeprosess m.v.

Informasjon om dette vert sendt i eige skriv til dei som har fått melding om budsjettvedtak for 2015 og også offentleggjort på våre nettsider seinast 1. mars.

Søknad om fylkestilskot for år 2016 skal sendast Kultur- og idrettsavdelinga innan **1. april 2015**. Søknadsskjema vert lagt ut på våre nettsider seinast 1. mars.

RAPPORTERING/REKNESKAP:

Årsmelding og rekneskap vert å senda Kultur- og idrettsavdelinga så snart dette ligg føre og **seinast innan 1. mai året etter at fylkestilskotet er motteke**.

Hordaland fylkeskommune ber om at det i årsmeldinga vert gjort greie for korleis museet har arbeidd i høve til Hordaland fylkeskommune sin museumspolitikkk med vekt på hovudmål, aktuelle delmål og tiltak, slik desse kjem fram av Regional plan for kultur (2015-2025) som erstattar Regional plan for museum (2011-2015). Fylkeskommunen sin museumspolitikkk er utforma i samsvar med nasjonale føringar, og det vert føreset at rapporteringa vil vera i samsvar med nasjonale mål, slik det kjem fram av overføringsbrevet frå Kulturdepartementet. Det er elles eit mål for fylkeskommunen å arbeida for at krava frå dei ulike forvaltningsnivåa skal vera mest mogleg samkøyrd.

For at Hordaland fylkeskommune skal kunna vera ein aktiv medspelar i museumspolitikken og å yta best mogleg service til musea, er Kultur- og idrettsavdelinga avhengig av å få informasjon om verksemda til musea.

Hordaland fylkeskommune vil i 2015 gjera særleg merksam på følgjande tiltak:

Kulturkort for ungdom

Hordaland fylkeskommune si ordning om kulturkort vert vidareført for ungdom mellom 16 og 20 år i Hordaland. Kulturkortet skal vera ein inngangsport til eit breiare kulturliv. Målet er å gjera visuell kunst, museum, teater, dans, film og konsertar meir attraktivt for målgruppa - å senka terskelen for å oppsøkje større delar av kulturen. Kortet gjev rabattert/gratis tilgjenge på institusjonar og arrangement som gjennom avtale med Hordaland Fylkeskommune er med i ordninga.

Hordaland fylkeskommune legg til grunn at dei som får driftstilskot sluttar opp om ordninga og gjev tilbod om rabattar eller gratis tilgjenge for ungdom med kulturkort. Tilskotsmottakarar som enno ikkje har avtale med Hordaland fylkeskommune om dette, må ta kontakt med Kultur- og idrettsavdelinga.

Den kulturelle skulesekken - Hordaland

Hordaland fylkeskommune samordnar arbeidet med dette tiltaket i fylket. Vi oppmodar institusjonar som mottok fylkeskommunal stønad om å utvikla regionale formidlingstiltak retta mot born og unge i samsvar med føresetnadene i tiltaket, og til å vera ein del av nettverket i Den kulturelle skulesekken i Hordaland.

Anna Elisa Tryti
fylkesdirektør kultur og idrett

Brevet er godkjent elektronisk og har derfor inga underskrift.